

DISPUTATIO MEDICA
INAUGURALIS

DE

PARTU DIFFICILI.

QUAM,

ANNUENTE DEO TER OPT. MAX.

Ex Auctoritate Magnifici Rectoris,

D. JOH. JACOBI VITRIARII.

J. U. D. ET JURIS PUBLICI AC PRIVATI
PROFESSORIS ORDINARI.

NEC NON

Amplissimi SENATUS ACADEMICI Consensu, & Nobilissimæ

FACULTATIS MEDICÆ Decreto,

PRO GRADU DOCTORATUS,

Summisque in MEDICINA Honoribus, & Privilegiis
ritè ac legitime consequendis,

Eruditorum Examini submittit

ROBERTUS NESBITT, Anglo-Britannus,

Ad diem 25. Aprilis. horâ locoque solitis. 1721.

Lugduni Batavorum,

Ex Officina BOUTESTEINIANA,

D. JOH. JACOB VITRIAR

1074 DSM

1875

6 PUBLISHED BY THE

AMPLISSIMO DOCTISSIMOQUE.

VIR O

D: D: RICHARDO MEAD, M. D

Collegii Medicorum Lond:

&

Regiæ Societatis Socio.



Tibi, VIR AMPLISSIME,
disputationem hanc inaugu-
ralem destinantem merito
me deterruisset eruditionis
tuæ splendor, quo in toto
Orbe litterato emines, nisi tot me tibi de-
vinxisses beneficiis, quæ in me nullo me-
rito tibi cognitum contulisti, ut, si hanc
occasionem publice declarandi, quantum

A 2

tibi

tibi debeam, cupide non arriperem, justissime vererer, ne ob ingratum meum animum bonorum omnium in me indignationem atque odium excitarem. Ausus ergo sum hoc in loco te compellare & summa cum veneratione hasce studiorum primitias offerre tibi & consecrare; quas etsi patrocínio tuo sint indignæ, tanquam tamen grati animi benignitatisque tuæ haud immemoris indicium serena fronte te accepturum confido; Tua enim ingenii suavitas, qua ita excellis, ut hominum omnium ordinum voluntates allicias, omnem de hoc dubitandi rationem excludit.

Hac occasione uti liceret, ut singularem tuam non tantum in arte medica, sed in aliis humanioribus studiis, peritiam, & animi tui dotes egregias celebrarem, nisi hæc per totum orbem jam satis essent nota, aut si ego in arte oratoria adeo essem versatus, ut ad munus hoc suscipiendum aptus essem. Nihil igitur restat, nisi ut
te

*te exorem obsecremque nil magnum nihil-
que novum in hocce tractatu expectare ;
Nec me hoc impetraturum dubito, cum te
latere non possit, illum tantum esse com-
positum, ut legibus Academicis satisfiat,
quæ solummodo requirunt, ut quis se alio-
rum scripta legisse & intelligere ostendat.
Vale VIR AMPLISSIME Deumque
ita te sospitare, ut*

*Serus in cælum redeas, diuque
Lætus interfis populo.*

ex animo precatur & exoptat

Dabam Lugd. Bat.

Apr. 23. 1721.

*Tibi omnibus officiis
devinctissimus,*

ROBERTUS NESBITT.

Secus in celum referat, digne
Lacrimis interitis populis.

Copyright © 1994 by the American Psychological Association

THE UNIVERSITY OF CHICAGO


North Dakota



DISPUTATIO MEDICA
INAUGURALIS

DE

PARTU DIFFICILI.



Caput Primum.

§. I.



E partu difficili, quia Græcis dicitur
Δυστοκία, quantum per autores nec non
propriam experientiam edocti sumus, bre-
viter differere proponimus.

§. 2.

Sed quoniam ut Sylvius in L. 3. cap. 7.
dicit, *de partu læso nemo recte judicabit, nemo bene docebit, qui
partum naturalem prius exacte non consideraverit*; pauca præ-
mittere constituimus de tempore, quo partus humanus fieri
possit, unde pendeat, & qua ratione peragatur.

§. 3.

§. 3.

Quod ad tempus igitur imprimis cognitu summe necessaria hic oritur quæstio, quo nimirum mense foetus in lucem legitime prodire queat aut debeat; quod exacte definire certissime terminis circumscribere arduum videtur. Nam licet ordinarium tempus pariendi natura ut plurimum destinaverit, interdum tamen magna suboritur differentia, adeo ut quædam aliquot menses citius, nonnullas tardius vivos ac vitales infantes edidisse ex autoritate Veterum, nec non quotidiana experientia certum sit; ut Aristoteles in l. 7. Hist. Anim. loquens de partu humano dicit, τῶν ζώων πόλλας ἔχειν χρόνους τῆς γενεσέως, τοῖς δὲ ἄλλοις ἓνα τὸν χρόνον τῆς τελειώσεως γίγνεσθαι. Et Plinius etiam in l. 7. Hist. Natur. inquit, *Cæteris animantibus statum & pariendi & partus gerendi tempus est; homo toto anno & incerto gignitur spatio.*

§. 4.

Veteribus multis est opinio, eaque jam pro vera recepta, postquam imprægnata sit mulier, hominem gigni, raro septimo, nunquam octavo, sæpissime nono mense eumque esse hominem gignendi naturalem finem. Veruntamen non desunt exempla illorum, qui tum citius tum serius legitime nati sunt, & ætatem multorum annorum feliciter attigerunt, ut Avicenna l. 1. de nat. Anim. Spigelio de inc. temp. partus, & quam plurimis aliis refertur. Et quamvis Hippocrates aliter scripserit, attamen si causa, unde partus pendeat, modo consideretur, de qua infra, satis verisimile videtur, in initio sexti mensis partum vitalem fieri posse, quum mater adeo robusta & sana post conceptionem exstiterit, ut laudabile foetui alimentum, idque quantitate sufficiente per quinque integros menses suppeditaverit.

§. 5.

Ratio vero nulla excogitari potest, cur error iste de octi-

Octimestri partu, apud autores tamdiu invaluit, ut nulla ratione experientiae suffulti præjudicium a venerando Hippocrate receptum sustineant; figmentis solummodo ac si rationibus instructi essent, asserere solent, mense septimo foetum frustra tentando, ut egrediatur, tam fatigatum & elumbem evasisse, ut octavo mense exclusum fato cedere necesse sit. Nam non tantum experientia indubitata constat plures octimestres partus vitales sæpe occurrere, ut Aristoteles in *l. 7. Hist. Anim.* Sylvius de partu læso. Morriceau inter observationes ejus & alii testantur; sed ratio ample docet & evincit foetum octimestrem eodem modo ac nonimestrem potiorique jure quam septimestrem in lucem prodire, cum altero mense provectior & ergo robustior sit septimestri. Experientia enim hodierna mense septimo foetum exitum naturaliter sine successu petere non demonstrat. Doctissimum vero tractatum de partu octimestri scripsit Celeberrimus C. Drelincurtius, quem vide.

§. VI.

Nullis fere negatum esse videtur foetum in utero morari posse decem menses completos, ut dicit Plautus in Comœdia Cistelaria *Act. 1. sc. 3. l. 15. & 16.*

Illa quam compresserat

Decimo post mense exacto hic peperit filium.

Nec non Virgilius in Ecloga 4. l. 61. idem fere cecinit

Matri longa decem tulerunt fastidia menses.

An vero in undecimum mensem & ultra partus protrahi possit, non inter Medicos modo, verum inter jurisconsultos magnopere controvertitur. Hadrianus imperator talem partum legitime edi posse decrevit. Contrarium autem pronuntiavit Justinianus. Attamen Observationes testantur, nonnullas non tantum undecimo & duodecimo mense peperisse, ut ab A. Gellio in *l. 3. c. 16.* scriptum est, *feminam bonis atque honestis moribus non ambigua pudicitia in undecimo mense post mariti mortem peperisse*, & Homero repræsentante Neptunum

loquentem puellæ a se compressæ in *Od.* λ. 1. 247.

Χαῖρε γύναι φιλόητι πεπλομένη δ' ἐν αὐτῇ
Τέξεις ἀγλαὰ τέκν', ἐπεὶ ἔκ' ἀπεφώλαιοι ἐυναί,
Ἀθανάτων.

Sed etiam tertio decimo refert Plinius in l. 7. *Hist. Nat.* imo Harveus de gener. cap. de partu & Sennertus de partu commemorant aliquas sedecim menses foetum vivum gessisse.

§. 7.

Fatendum est hujusmodi exempla ex raro contingentibus esse, & subdolas fraudisque plenas mulieres sæpissime reperiri, quæ lucro inhiantes, aut poenarum aut infamiæ metu sese gravidas fingunt: veruntamen talia fieri posse omnino concedendum est.

§. 8.

Tempus enim legitimum pariendi a maturitate foetus, non a planetis, ut Astrologi olim finxerunt, pendet, quæ citius vel serius producitur secundum quantitatem & qualitatem menstrui sanguinis, qui natura destinatus est ad Embryonem nutriendum, ut Galenus de mensruis observat *Ἐπιχειρήματα ἰατρικῆς* τὸ σύλληψιν τῷ ἐμβρυῶν τὸ τροφὴν παρέχει. Hujus sanguinis fluxus à matre ad foetum aperturis istis vasculorum in fundo uteri, quibus sanguis menstruus fluere solet, & quæ clare foeminis tempore fluxus menstrui mortuis apparent, vasculis placentæ concretis peragitur.

§. 9.

Quia credibile est vascula prædicta in fundo uteri tempore graviditatis vasculis placentæ concreta esse, cum membrana dicta *Chorion*, quæ totam placentam involvit, adeo compacta videtur, ut perforationem, quæ introgressu horum vasculorum fieri dicitur, non assequatur oculus; Non tantum placentæ structura, de qua vide Eustachii Tab. 14. & Kerchringii Observ. 98. sed fluxus sanguinis, qui semper avulsione placentæ ab utero producitur, satis demonstrant introitu vasculorum membranam prædictam perforari. Nupe-

rime in hanc rem accuratius inquirendi mihi fuit occasio. Muliere enim pariturâ subitanea morte correpta & operatione *Cæsarea* dicta sine successu peractâ, placentam, cum adhuc in statu naturali esset, gradatim ab utero avulsi, quo non tantum sanguinem ab utero fluere, sed etiam ipsam membranam Chorion tanquam sudorem ex placenta permeare observavi. Celeberrimus Cowper teste D. Drake in *Anthrop. nova* l. 2. c. 7. Mercurio injecto per ramum Arteriæ uterinæ Vaccæ, a quo ramo una Cotyledon uteri sanguinem accipiebat, implevit omnes istos umbilicalium venarum ramos, qui ab ista Cotyledone exierunt.

§. 10.

Creator vero adorandus sanguinem a matre ad foetum per vascula minima impelli destinavit, ut impetus ejus minuatur & ut angustia vasorum adeo conteratur & attenuetur, ut per vasa foetus circulare aptior reddatur.

§. 11.

Hinc patet, quibus causis partus anticipari vel protrahi possit: Quotiescunque enim mater toto tempore gestationis ita se habet, ut in Sect. 4. dixi, partus citius producitur, quam contra, si malo corporis habitu aut morbo aliquo acuto afflicta sit, per quem nutrimentum tum quod ad quantitatem tum qualitatem sit mutatum, atque inde segnius ad maturitatem foetus deductus, tardius, quoque ad exitum properat. Quomodo autem exitus foetus naturaliter peragi debet ac solet, pauca nunc monenda restant.

§. 12.

Mulier tempore maturitatis foetus, dolores depressivos sub umbilico & circa renes seu in regione lumbari, nonnunquam horrore, calore, & aliis symptomatibus satis notis concomitantibus, observat, qui magis magisque crescunt, & quibus parturiente suos conatus addente inspiratum aërem retinendo diaphragma deprimitur & musculorum abdominis ac lumborum contractione, sanguis ex substantia uteri ad placentam intropellitur; tunc os

uteri resistentiâ sanguinis aliquantulum ablatâ, vi capitis infantis nec non manu obstetricis stimulum dilatarî incipit. Membranæ quibus foetus obvolvitur intumescere videntur, tandemque illas distentas foetus rumpens, paulatim naturaliter capite prono subsequenter humeris & reliquo corpore sine magna molestia in lucem prodit; & postea vasculis minimis, quibus placenta utero annexa fuit, nimia quantitate sanguinis influentis ex substantia uteri, ruptis, & placenta expulsa, uterus continuo contrahitur, donec liberatus ab omni sanguine superfluo in statum naturalem reducatur.



Caput Secundum.

Hisce præmissis de partu naturali, ad propositum, a quo paululum digressi sumus, nunc revertamur, nimirum partum difficilem.

§. 1.

Partus difficilis est *Exclusio foetus maturi summa cum molestia vitæque aut ipsius aut matris aut utriusque periculo conjuncta.*

§. 2.

Causis tum externis tum internis producitur. Externæ vero causæ aut ex rebus necessariis aut contingentibus pendent.

§. 3.

Rebus necessariis partum impredientibus annumerantur errores sex rerum vulgo dictarum, non naturalium. Primo Aer qui inspiratione ad pulmones descendens pro varia ejus constitutione varia effecta producit. Si nimis sit frigidus & siccus, parturientes male afficit, quia totum corpus constringit, vel si nimis sit calidus spiritus dissipat, & vires matris foetusque exhaurit; inflammationem etiam febrilem facile indu-

inducere potest præsertim in corpore jam cacochymo.

2. Cibus & potus quantitate nimia vel qualitate mala affectiones præternaturales producere continuo valent ut dicit Horatius 2. ser. L. 2. lin. 75.

Dulcia se in bilem vertent stomachoque tumultum

Lenta feret pituita —

3 Somnus & vigiliæ, loquente Hippocrate in Apho: 3. sect. 2. *utraq. modum excedentia malum.*

4 Motus nimius & intempestivus, non modo vires parturientis exhaurit, sed positionem foetus mutare potest; nec non nimia quiete malum oritur ut ad Cachexiam aliamve valetudinariam dispositionem tendat.

5 Excreta etiam & retenta inordinata varios morbos præstare possunt, quibus matri vires & foetui alimentum deficient.

Denique animi pathemata, ut tristitia, ira, timor, pudor & similia, si vel subitanea vel vehementiora fuerint, massam enim sanguineam valde turbant motusque vagos & inordinatos in spiritibus animalibus concitant, unde partus felix sæpe impeditur.

§. 4.

Ad res contingentes referuntur ictus, casus, vulnera & similia ex improvise occurrentia; tum etiam Adstantes, qui parturientem adjuvare debent, præcipue Obstetrix, si in officio suo erravit, cum omnia ad artem suam spectantia recte non intelligat, adeo ut parturientes nimis cito singulis doloribus licet levioribus partum conari adhortetur, unde vires maternæ ita minuuntur, ut justo tempore parienti instante, partum adjuvare minime valeant; vel si foetus versionem pravam ignorans stimulantibus ejusdem exclusionem accelerare conetur.

§. 5.

Causæ internæ vel matris vel foetus culpâ producuntur.

§. 6.

Imprimis culpa matris, si sit juvencula vel nimis anno-fa & primipara, & inde, ut notat Ætius, in tet. 4. s. 4. c 22, *ob imperitiam corpus apte præparare aut gerere ignoret*; & ob ætatem imbecilla, *neccessario enim dicit Galenus ad bonum & facilem partum robur mulieris requiri*. Item si dolorum adeo sit impatiens, ut cum ingravescant in animi deliquium cadat vel convulsionibus corripiatur; qualem casum Parisiis vidi in misera puella, quæ licet omnia in principio ad facilem partum spectaverint, statim ac dolores ceperint convulsionibus fuit correpta, quarum quatuordecim paroxysmos, singulis paroxysmis accessione dolorum incipientibus, decem horarum spatio passa, animam efflavit: nec non si mater valde sit obesa, nam obesitas vaginam & uterum ita sæpe premit ut liberum foetui transitum impediat.

§. 7.

Si etiam jamjam parturiens vitio aliquo pulmonum laboret, ita ut anhelitum ipso partûs tempore cohibere nequeat, vel si morbo aliquo acuto afficiatur, ut de febre testatur Hippocrates in Aph. 55. sect. 5. vel si præcesserit seu adsit Hæmorrhagia sive Hæmorrhoidum fluxus, Diarrhæa, Lipothymia, convulsionibus aliisque gravis affectus, unde vires quam maxime exhauriuntur, & spiritus animales minuuntur, sine quibus felix expectari partus nequit.

§. 8.

Quando partes ipsæ naturales male se habent, partus impeditur: quemadmodum si in istis præcesserit aut adsit Inflammatio, Erysipelas, Abscessus, Ulcus, schirrhosus vel œdematosus tumor circa uteri orificium vel in ipsa vagina ejusve labiis vel si ullo modo coaluerint, aut tempore partûs uteri vagina membrana aliqua claudatur, quale exemplum refert Celeberrimus Rusch in Obser. 22.

§. 9.

§. 9.

Nonnunquam ossa coxendicis non satis a se invicem distant, atque os sacrum prominens ossa pubis proprius respicit, ita ut transitus foetus angustia pelvis difficilis reddatur.

§. 10.

Partus etiam difficultas interdum a situ obliquo uteri oritur, quem quidem diversimode inclinare posse ratio & experientia evincit. Nam cum fundus uteri imprægnati mole multum augeatur, & extra pelvis angustiam altius eleve-
tur, totusque parte superiore liber sit ac solutus, ligamenta, quæ partem inferiorem ambiunt, laxari poterint, & uterus facile pondere suo secundum varios matris motus acci-
dente etiam intestinorum compressione situm mutare potest.

§. 11.

Culpâ foetus quoque partus difficilis sæpissime nascitur; quando natura aut morbo aliquo præsentente sive prægresso ita debilis sit ut partum adjuvare præ viribus exhaustis minime valeat, vel si jam mortuus existat.

§. 12.

Cum etiam corpus vel tantum caput aliquo modo grandius sit ut vias nimis angustas transire nequeat; vel plures foetus in utero inter se intricati existentes, & simul exitum quærentes, ea ratione sibi invicem egressum impedian-
t, qualia exempla refert Schenkii Observ. 1. 3. vel si monstrosus sit foetus, qualem observavit Tulpius 1. 3. 37.

§. 13.

Item si perversè in lucem prodire conetur, ut pede uno vel manu vel natibus duplicatis, vel latere alterutro obliquo, vel si faciem aut ventrem primum exhibeat, & chorda umbilicalis prævia exeat, vel aliquo modo multum contorqueatur de quo vide *Peu des accouch* & *Rusch. observ. 11.*

§. 14.

Denique partus aliquantulum membranis foetum obvolvendi-
bus impeditur, si sint vel tenuiores ut nimis cito disrum-
pan-

cap. 2. referuntur, ex constitutione matris deprehenduntur. Morbi uteri propriis indiciis noti sunt.

§. 5.

Situs vero uteri obliquatus exploratione & tactu obstetricis inveniri debet. Nam quemadmodum uteri recte siti orificium profundius in pelvim protensum digitis undequaque tangitur, ita prave siti os præ obliquitate vel omnino tangi nequit, cum margini pelvis applicetur, vel tantum quod ad semicirculum inferiorem, nequaquam quod ad integram rotunditatem tactu se præbet percipiendum. Situs etiam foetus naturalis aut pravus eodem modo percipi potest. Debilitas vero foetus ex debili tardoque motu patet.

§. 6.

Foetum autem mortuum esse cognoscitur, si motus illius diu cessaverit: vel si mater ex uno in alterum latus se convertens pondus percipiat instar lapidis ex una parte in oppositam devolventis; vel si labia & facies matris nulla alia causa patente, pallorem contrahant, rigorque & frigus corripiant extima corporis confinia; vel si animi deliquia, sudores frigidi, mammae detumescentes matri adsint, vel anhelitus foetidus, aqua & sanies ex utero emanent, vel denique si post secundinae exclusionem aut aquarum fluxum, diu intus maneat foetus; etenim impossibile fere est istis exclusis foetum multis horis superstitem fore. Notandum tamen est, quod pro certo non est concludendum foetum mortuum esse, si unum ex hisce signis occurrat, sed cum plura sese manifestent.

§. 7.

Foetum nimis magnum esse vel plures in utero contineri ex magnitudine ventris præsupponitur; nullo certo signo dignoscitur.



Caput Quartum.

§. I.

Nunc de prognosi ad tractandum, qua futura ex præsens-
tibus prænoscantur, nos accingamus; cujus peritia nihil
magis certe honorem atque Medici fidem spectare videtur.
Si enim hac ratione morborum durationem, omnemque e-
ventum Medicus prædicere poterit, sive boni sive mali sit
præfagium, laus illi comparatur & semper vitatur ca-
lumnia.

§. 2.

Si partus difficultas, tempore adstante, viribus matris
vel ætate vel morbo aliquo graviore exhaustis oriatur, tum
partu per aliquot dies durante foetus, ut notat Avicenna, sæ-
pe moritur & vita matris magnopere periclitatur.

§. 3.

Symptomata graviora ut respiratio difficilis, extremorum
summum frigus, deliria, morbi soporiferi vel convulsiones,
haud fallaces mortis appropinquantis sunt prodromi.

§. 4.

Si in vagina aut circa orificium uteri inflammatio, tumor,
scirrhus aut similia, tempore partus jam præsentem invenian-
tur, mater in periculo summo versatur; si vero in utero E-
rysipelas fiat, secundum Hippocratem in Aphorismis: 43. Sect.
§. mors cito sequetur.

§. 5.

Cum vagina sit nimis angusta, vel pelvis naturaliter parva,
vel foetus solito major, una nonnunquam continua rima seu
scissura ab vulva ad anum, ut notat Albertus magnus de se-
cretis mulierum, fit, quod valde periculosum est & mulie-
rem,

rem, si evadat, in posterum sterilem reddit.

§. 6.

Si foetus prava versione exitum petat, periculum tum foetui imminere notat Hippocrates in Lib. de natura pueri.

§. 7.

Funiculi umbilicalis procidentia foetui mortem saepe infert, nec non ejusdem contorsiones, ut observavit Celeberimus Rusch in Obser. 11.

§. 8.

Foetus cum mortuus sit & non mature exclusus, febres, Lipothymias, convulsiones & alia dira effecta, tandemque mortem producit.

§. 9.


Si purgationes mulieri in utero gerenti predeant, foetum sanum esse impossibile affirmat Hippocrates in Aphor. 60. Sect. 5.

§. 10.

Si parturientes praesertim debiliores conatibus nimis validis partum perficere petant, timendum est, ne peritonaeum prope umbilicum vel inguina dilatent, quo distento hernia facile exoriri potest; vasa etiam sanguinea secundum Mercurialem de morbis Mulieb. l. 2. c. 3. nonnunquam eodem modo franguntur, unde in sanguinis sputum, tussim & Phthisin incurrunt.

§. 11.

Denique si aegre parturienti sternutatio superveniat, bonum indicare inquit Hippocrates in Aphor. 35. Sect. 5. quoniam conatum validum licet brevem efficit, subito enim diaphragma ad inferiora propellitur & musculorum abdominis constrictio magnopere ad foetus exclusionem tendit.



Caput Quintum.

§. I.

Jam ad metam Medicinæ ultimam scilicet curationem pervenimus, quæ pro variis causis morbi jam institui debet, ut eam in hoc morbo, quæ non tantum a medici consilio, sed etiam operatione manuali obstetricis sæpe pendet, distincte tractando limites hujusmodi dissertationis longe transgrederer, quantum tamen cum destinata nostra brevitate constabit, paucis percurrere proposuimus.

§. 2.

Imprimis itaque Medicus sollicitè attendere debet ad regimen rerum non naturalium, quoniam error in illis ad magnas in corpore mutationes producendas continuo aptus est. Qualitates ergo Aëris excessu peccantes temperandæ sunt; si frigidus sit, ope ignis facile mutatur; si nimis calidus, emendari potest effusione per pavementum aquæ cum sale aut aceto mixtæ, vel exspiratu halituum aquarum ex plantis frigidis aquæ immixtis, ut sunt salix, populus, Rosa, sambucus & similia; Cura etiam adhibenda est, ut alimenta talia sint, quæ facile coquantur & corpus bene nutriunt, & si ita se habeant nil refert qualiacunque sint, ut cecinit Philosophus & Poëta.

*Nec multum refert, quo victu corpus alatur;
Dummodo quod capias concoctum didere possis
Artubus, & stomachi humectum servare tenorem.*

Quies item & motus corporis irregulares & immodici minuendi sunt, eorumque mediocritas servanda.

igiliæ nimia curantur diluentibus, blandis lenientibus, anodynis & opiatibus. Excretæ inordinatæ adstringentibus cohibentur. Retenta vero intra corpus excrementa laxantibus & stimulantibus sed mitioribus expelli debent. Affectus denique animi, contrariis affectibus, varietate objectorum, anodynis & opiatibus sedantur.

§. 3.

Deinde causæ omnes aliæ partum retardantes auferendæ sunt, si fieri possit; obesitas enim nimia, mala vaginæ conformatio, magnitudo, aut multitudo foetus, aut idem mortuus auferri non possunt.

§. 4.

Quoties vero parturientes valde sunt debiles ratione vitalium viriumve animalium, ideoque ad pariendum impotentes, siue ipsarum vires morbo aliquo prægresso fuerint exhaustæ, siue morbo præsentem sint oppressæ, toties opera est danda, ut causa oppressionis removeatur & vires exhaustæ reficiantur.

§. 5.

Si igitur vires parturientis oppressæ sint vomitu, diarrhæa, dolore colico, febre, aliove gravi morbo, remedia blandiora, & quidem talia, quæ foetui nocere non possunt pro ratione affectionis usurpanda sunt: & deinde exhaustæ vires ope aromaticorum spirituosorum & Cardiacorum refici possunt. Cavendum tamen est sedulo a medicamentis vehementioribus & præcipue talibus, quæ magnam subitamque mutationem in corpore afferunt quia plerumque gravidis & parturientibus valde noxia sunt: Aromatica ergo & spirituosæ temperanda sunt addendo ipsis aquea & subacida: ab his enim diluuntur & vires eorum minuuntur.

§. 6.

Convulsiones autem vel deliria si tempore partus adstante eveniant, statim ac fieri potest, foetus manu obstetricis in uterum immisssa extrahendus est, ut optime admonet Morriceau, unde sæpe mater & foetus a summo mortis periculo liberantur. Vide Morriceau observat.

§. 7.

Cum partus rigiditate fibrarum orificii uteri seu vaginæ retardatur, partes foveri debent balneo aut vapore ex decoctis herbis emollientibus assurgente, quales sunt Rad. Alth. Lil. Fol. Malvæ, Viol. Sem. Fænugræc. Lini. Flor. Chamom. laxari etiam possunt oleo Lilior. Amygd. dulc. Sem. Lini & similibus, quibus obstetrix partes frequenter inungat.

§. 8.

Si autem coalitione vel membrana aliqua transitus foetus impediatur, lanceola sic dissecetur, ut naturale foramen maneat, & pessario immisso, si requiratur, cicatrice obducatur.

§. 9.

Cum uteri fundus situ naturali non gaudeat, sed versus anteriora nimis propendeat, atque ea ratione, os ejus altius elevatum, ossi sacro ductu obliquo incumbit, tum obstetrice conandum est os uteri ductu directo vaginæ dirigere: quod ut fiat, femina in situ supino locata, & ore uteri jam satis aperto, in id alterius manus digiti, altera manu exterius ventri applicata, insinuentur, & gradatim os uteri antrorsum trahatur, simulque manus exterior leviter premat, donec uterus in situm naturalem satis mutetur. Sin contrario situ uterus obliquatus spinæ dorsi incumbat, & os ejus pubis ossibus obvertatur, eodem modo ac in precedente casu parturiente locata, manu obstetricis in utero immissa, os ejus versus intestinum rectum ducatur, altera vero manu exterius parum supra ossa pubis opposita, caput infantis retrorsum sensim deprimatur.

Pari fere modo res aggredienda est, si lateraliter uterus obliquatus orificio coxendicis innitatur.

§. 10.

Haftenus propter culpam matris partus deficientis curationem proposuimus, sequitur, ut similiter, quo modo foetus culpa partus deficiens curari debeat, breviter explicemus.

§. 11.

§. 11.

Si igitur foetus nimis sit debilis, Aromaticis & spirituousis matri per intervalla illum roborare conandum est.

§. 12.

Cum autem situs infantis partum retardet, in talem redigendus est, quo vel per caput vel per pedes foetus educi possit. Quod efficitur positu matris debito & mutatione situs infantis manu Obstetricis.

§. 13.

Si a geminis difficultas partus oriatur, labor obstetrici multum augetur, quia nonnunquam manibus vel pedibus adeo arcte foetus se invicem amplectuntur, ut difficillime extricentur. Imprimis igitur omni studio intricata membra expedire tentandum est, deinde eo facto procedendum erit eodem modo ac si unicus infans foret excludendus.

§. 14.

Simul ac foetus mortuus cognoscitur, sine mora, metu gangrænæ, syncopes, mortisque maternæ, pedibus vel instrumento extrahendus est; rarissime enim pervires maternas foetus post mortem expellitur, quamvis potentissima medicamenta expellentia matri exhibeantur.

§. 15.

Cum matre jamjam mortua foetus adhuc vivere credatur, operatio Cæsarea statim est instituenda quam non sine successu peractam vidi. An vero ante matris mortem fieri debet hæc operatio, magnopere controvertitur; & quamvis nonnulli autores illam nonnunquam posse succedere persuadere conentur, attamen tanti periculi & terroris plena est, ut nunquam ulli medico, qui famæ suæ consulere voluerit, tentanda sit.

F I N I S.

